

«Սլավոնեդ Բժշկական Կենտրոն» ՍՊԸ

2023թ.

**ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ ԵՎ
ԱՆԿԱԽ ԱՈՒԴԻՏՈՐԻ ԵԶՐԱԿԱՑՈՒԹՅՈՒՆ**

Երևան - 2024

Բովանդակություն

Անկախ աուդիտորի եզրակացություն..... 3

ՖԻՆԱՆՍԱԿԱՆ ՎԻՃԱԿԻ ՄԱՍԻՆ ՀԱՇՎԵՏՎՈՒԹՅՈՒՆ ԱՌ 31 ԴԵԿՏԵՄԲԵՐԻ 2023Թ..... 6

**ՀԱՄԱՊԱՐՓԱԿ ՖԻՆԱՆՍԱԿԱՆ ԱՐԴՅՈՒՆՔՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2023Թ.
ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ..... 7**

**ՍԵՓԱԿԱՆ ԿԱՊԻՏԱԼՈՒՄ ՓՈՓՈԽՈՒԹՅՈՒՆՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2023Թ.
ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ..... 8**

**ԴՐԱՄԱԿԱՆ ՄԻՋՈՑՆԵՐԻ ՀՈՍՔԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2023Թ. ԴԵԿՏԵՄԲԵՐԻ 31-ԻՆ
ԱՎԱՐՏՎՈՂ ՏԱՐՎԱ ՀԱՄԱՐ..... 9**

2023Թ. ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹԱԳՐՈՒԹՅՈՒՆՆԵՐ.....10



Անկախ աուդիտորի եզրակացություն

«Սլավմեդ Բժշկական Կենտրոն» ՍՊԸ մասնակիցներին

Մենք աուդիտի ենք ենթարկել «Սլավմեդ Բժշկական Կենտրոն» ՍՊԸ (այսուհետ՝ Ընկերություն) 2023թ. դեկտեմբերի 31-ին ավարտվող տարվա կից ներկայացվող ֆինանսական հաշվետվությունները, որոնք ներառում են՝ առ 31 դեկտեմբերի 2023թ. ֆինանսական վիճակի մասին հաշվետվությունը, այդ ամսաթվին ավարտվող տարվա համապարփակ ֆինանսական արդյունքների մասին հաշվետվությունը, սեփական կապիտալում փոփոխությունների մասին հաշվետվությունը, դրամական միջոցների հոսքերի մասին հաշվետվությունը և ֆինանսական հաշվետվություններին կից ծանոթագրությունները՝ ներառյալ հաշվապահական հաշվառման քաղաքականության հիմնական դրույթների ամփոփագիրը:

Վերապահումով կարծիք

Մեր կարծիքով, բացառությամբ այս եզրակացության «Վերապահումով կարծիքի հիմք» բաժնում նկարագրված հարցերի հնարավոր ազդեցության, ֆինանսական հաշվետվությունները, բոլոր էական առումներով, ճշմարիտ են ներկայացնում «Սլավմեդ Բժշկական Կենտրոն» ՍՊԸ առ 31 դեկտեմբերի 2023թ. ֆինանսական վիճակը և այդ ամսաթվին ավարտվող տարվա գործունեության արդյունքներն ու դրամական հոսքերը՝ Փոքր և միջին կազմակերպությունների ֆինանսական հաշվետվությունների միջազգային ստանդարտին (ՓՄԿ ՖՀՄՍ) համապատասխան:

Վերապահումով կարծիքի հիմք

Մենք նշանակվել ենք Ընկերության 2023թ. դեկտեմբերի 31-ին ավարտված տարվա ֆինանսական հաշվետվությունների աուդիտոր 2023թ. դեկտեմբերին, ուստի հնարավորություն չենք ունեցել հետևելու պաշարների գույքագրման գործընթացին տարվա սկզբին: Մենք անկարող էինք իրականացնել այլընտրանքային ընթացակարգեր, որպեսզի մենք ինքներս համոզվեինք պաշարների առկայության և քանակության վերաբերյալ 2022թ. դեկտեմբերի 31-ի դրությամբ, որոնք ֆինանսական վիճակի մասին հաշվետվությունում ներկայացված են 154,417 հազար ՀՀ դրամ գումարով: Քանի որ պաշարների մնացորդի մեջ հնարավոր անճշտությունը կարող է ազդել տարվա շահույթի ցուցանիշի վրա, բացի այդ ցուցանիշից, մենք չենք կարող գնահատել թե ինչպիսի ճշգրտման կարիք կարող է լինել նաև տարվա շահույթի գծով, որն արտացոլված է համապարփակ ֆինանսական արդյունքների մասին հաշվետվությունում:

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ Հաշվապահների էթիկայի միջազգային ստանդարտների խորհրդի կողմից հրապարակած Պրոֆեսիոնալ հաշվապահի էթիկայի կանոնագրքի (ՀԷՄՍԻ կանոնագիրք) և Հայաստանի Հանրապետությունում ֆինանսական հաշվետվությունների այս աուդիտի նկատմամբ կիրառելի անկախության և էթիկայի պահանջներին համապատասխան, և մենք կատարել ենք էթիկայի գծով մեր այլ պարտականությունները՝ այդ պահանջներին և ՀԷՄՍԻ կանոնագրքին համապատասխան: Մենք համոզված ենք, որ մեր ձեռք բերած աուդիտորական ապացույցները բավարար են ու համապատասխան, որպեսզի հիմք ապահովեն մեր կարծիքի համար:

Ղեկավարության պատասխանատվությունը ֆինանսական հաշվետվությունների համար

Ընկերության գործադիր ղեկավարությունը պատասխանատու է ՓՄԿ ՖՀՄՍ-ին համապատասխան ֆինանսական հաշվետվությունների պատրաստման և ճշմարիտ ներկայացման համար և այնպիսի ներքին հսկողության համակարգի համար, որը ղեկավարությունն անհրաժեշտ կհամարի էական խեղաթյուրումներից (թե՛ սխալի, թե՛ խարդախության արդյունքում առաջացող) զերծ ֆինանսական հաշվետվությունների պատրաստման հնարավորություն ընձեռելու համար:

Ֆինանսական հաշվետվությունները պատրաստելիս՝ գործադիր ղեկավարությունը պատասխանատու է Ընկերության անընդհատ գործելու կարողությունը գնահատելու համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, բացառությամբ այն դեպքերի, երբ ղեկավարությունը մտադիր է կա՛մ լուծարելու Ընկերությունը, կա՛մ դադարեցնելու դրա գործունեությունը, կամ էլ չունի այդպես չվարվելու որևէ իրատեսական այլընտրանք:

Ընկերության մասնակիցներն են պատասխանատու Ընկերության ֆինանսական հաշվետվությունների պատրաստման գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակներն են՝ ձեռք բերել ողջամիտ հավաստիացում այն մասին, թե արդյոք ֆինանսական հաշվետվություններն, ամբողջությամբ վերցրած, զերծ են խարդախության կամ սխալի հետևանքով առաջացող էական խեղաթյուրումներից, և ներկայացնել մեր կարծիքը ներառող աուդիտորի եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՍ-ներին համապատասխան իրականացված աուդիտը միշտ կհայտնաբերի գոյություն ունեցող էական խեղաթյուրումը: Խեղաթյուրումներ կարող են առաջանալ սխալի կամ խարդախության արդյունքում և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն օգտագործողների՝ ֆինանսական հաշվետվությունների հիման վրա կայացվող տնտեսական որոշումների վրա:

Որպես ԱՄՍ-ներին համապատասխան իրականացվող աուդիտի մաս՝ մենք կիրառում ենք մասնագիտական դատողություն և պահպանում մասնագիտական կասկածամտություն աուդիտի ողջ ընթացքում: Մենք նաև՝

- նույնականացնում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, այդ ռիսկերից ելնելով նախագծում և իրականացնում ենք աուդիտորական ընթացակարգեր և ձեռք ենք բերում աուդիտորական ապացույցներ, որոնք բավարար և համապատասխան հիմք են ապահովում մեր կարծիքի համար: Խարդախությունից առաջացող էական խեղաթյուրման չհայտնաբերման ռիսկն ավելի բարձր է, քան սխալից առաջացողինը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, խեղաթյուրումներ կամ ներքին հսկողության համակարգի շրջանցում:
- պատկերացում ենք կազմում աուդիտին վերաբերող ներքին հսկողության համակարգի մասին՝ տվյալ հանգամանքներին համապատասխան աուդիտորական ընթացակարգեր նախագծելու, այլ ոչ թե Ընկերության ներքին հսկողության համակարգի արդյունավետության վերաբերյալ կարծիք արտահայտելու նպատակով:
- գնահատում ենք հաշվապահական հաշվառման կիրառված քաղաքականության տեղին լինելը և ղեկավարության կողմից կատարած հաշվապահական հաշվառման գնահատումների ու կից բացահայտումների հիմնավորվածությունը:
- եզրահանգում ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռք բերված աուդիտորական ապացույցների վրա, գնահատում ենք՝ արդյոք առկա է էական անորոշություն կապված դեպքերի կամ պայմանների հետ,

ՖԻՆԱՆՍԱԿԱՆ ՎԻՃԱԿԻ ՄԱՍԻՆ ՀԱՇՎԵՏՎՈՒԹՅՈՒՆ ԱՌ 31 ԴԵԿՏԵՄԲԵՐԻ 2023Թ.

Հազար դրամ

Ծան. 31.12.2023թ. 31.12.2022թ.

Ակտիվներ

Ոչ ընթացիկ ակտիվներ

Հիմնական միջոցներ	5	2,887,296	3,126,481
Հետաձգված հարկային ակտիվներ	15	85,120	81,672
Այլ ոչ ընթացիկ ակտիվներ	6	108,888	77,454
Տրամադրված փոխառություններ		11,000	
Ընդամենը ոչ ընթացիկ ակտիվներ		3,092,304	3,285,607

Պաշարներ

Առևտրական և այլ դեբիտորական պարտքեր	8	113,497	87,872
Դրամական միջոցներ	9	125,725	33,586
Ընդամենը ընթացիկ ակտիվներ		415,902	275,875
ԸՆԴԱՄԵՆԸ ԱԿՏԻՎՆԵՐ		3,508,206	3,561,482

Սեփական կապիտալ և պարտավորություններ

Կանոնադրական կապիտալ	10	1,152,420	1,152,420
Կուտակված շահույթ		(358,828)	(578,643)
Ընդամենը սեփական կապիտալ		793,592	573,777

Բանկային վարկեր

Լիզինգի գծով պարտավորություններ	11	188,216	285,781
Լիզինգի գծով պարտավորություններ	13	261,928	323,922
Ակտիվներին վերաբերող շնորհներ		227	572
Ընդամենը ոչ ընթացիկ պարտավորություններ		450,371	610,275

Բանկային վարկեր

Կարճաժամկետ փոխառություններ	12	1,374,637	1,447,131
Լիզինգի գծով պարտավորություններ	13	135,641	102,695
Առևտրական և այլ կրեդիտորական պարտքեր	14	128,349	224,551
Շահութահարկի գծով պարտավորություն		43,739	9,700
Եկամուտներին վերաբերող շնորհներ		921	784
Ընթացիկ պահուստներ՝ վաստակված արձակուրդայինների գծով		466,593	419,183
Ընդամենը ընթացիկ պարտավորություններ		2,264,243	2,377,430

ԸՆԴԱՄԵՆԸ ՍԵՓԱԿԱՆ ԿԱՊԻՏԱԼ և ՊԱՐՏԱՎՈՐՈՒԹՅՈՒՆՆԵՐ


3,508,206 3,561,482


Տսորեն

Արմինե Հովակիմյան



28 հունիսի 2024թ.


Գլխավոր հաշվապահ

Վահագն Քեչիշյան

Ֆինանսական վիճակի մասին հաշվետվությունը պետք է ընթերցվի սույն ֆինանսական հաշվետվությունների մաս կազմող՝ 10-ից 23-րդ էջերում ներկայացված կից ծանոթագրությունների հետ մեկտեղ:

ՀԱՄԱՊԱՐՓԱԿ ՖԻՆԱՆՍԱԿԱՆ ԱՐԴՅՈՒՆՔՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2023Թ. ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ

Հազար դրամ	Ծան.	2023թ.	2022թ.
Հասույթ	16	3,633,193	3,128,781
Վաճառքի ինքնարժեք	17	(2,997,058)	(2,780,895)
Համախառն շահույթ		636,135	347,886
Այլ եկամուտներ	18	11,767	12,546
Իրացման ծախսեր		(32,509)	(30,835)
Վարչական ծախսեր	19	(249,936)	(264,767)
Այլ ծախսեր		(5,437)	(4,360)
Փոխարժեքային տարբերություններից օգուտ (կորուստ)		(11,130)	236,187
Ֆինանսական ծախսեր	20	(82,963)	(87,147)
Շահույթ նախքան շահութահարկը		265,927	209,510
Շահութահարկի գծով ծախս (եկամուտ)	21	(46,113)	4,801
Տարվա շահույթ		219,815	214,311
Այլ համապարփակ ֆինանսական արդյունք		-	-
Ընդամենը համապարփակ ֆինանսական արդյունք տարվա համար		219,815	214,311



 Տնօրեն
 Արմինե Հովակիմյան





 Գլխավոր հաշվապահ
 Վահագն Քեշիշյան

Համապարփակ ֆինանսական արդյունքների մասին հաշվետվությունը պետք է ընթերցվի սույն ֆինանսական հաշվետվությունների մաս կազմող՝ 10-ից 23-րդ էջերում ներկայացված կից ծանոթագրությունների հետ մեկտեղ:

ՍԵՓԱԿԱՆ ԿԱՊԻՏԱԼՈՒՄ ՓՈՓՈԽՈՒԹՅՈՒՆՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2023Թ.
ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ

Հազար դրամ	Կանոնադրական կապիտալ	Չբաշխված շահույթ (կուտակված վնաս)	Ընդամենը սեփական կապիտալ
Մնացորդն առ 01 հունվարի 2022թ.	1,152,420	(792,954)	359,466
Հաշվետու տարվա զուտ շահույթ	-	214,311	214,311
Մնացորդն առ 31 դեկտեմբերի 2022թ.	1,152,420	(578,643)	573,777

Հազար դրամ	Կանոնադրական կապիտալ	Չբաշխված շահույթ (կուտակված վնաս)	Ընդամենը սեփական կապիտալ
Մնացորդն առ 01 հունվարի 2023թ.	1,152,420	(578,643)	573,777
Հաշվետու տարվա զուտ շահույթ	-	219,815	219,815
Մնացորդն առ 31 դեկտեմբերի 2023թ.	1,152,420	(358,828)	793,592

Տսորեն

Արմինե Հովակիմյան



Գլխավոր հաշվապահ

Վահագն Քեշիշյան

Սեփական կապիտալում փոփոխությունների մասին հաշվետվությունը պետք է ընթերցվի սույն ֆինանսական հաշվետվությունների մաս կազմող 10-ից 23-րդ էջերում ներկայացված կից ծանոթագրությունների հետ մեկտեղ:

ԴՐԱՄԱԿԱՆ ՄԻՋՈՑՆԵՐԻ ՀՈՍՔԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2023Թ. ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ


Հազար դրամ	2023թ.	2022թ.
Գործառնական գործունեությունից դրամական միջոցների հոսքեր		
Ծառայությունների մատուցումից մուտքեր	3,615,687	3,080,272
Ապրանքների վաճառքից մուտքեր	34,322	54,813
Այլ մուտքեր	73	1,480
Վճարումներ մատակարարներին և նրանց անունից	(906,543)	(732,049)
Վճարումներ աշխատակիցներին և նրանց անունից	(2,048,875)	(1,792,208)
Վճարված հարկեր և այլ պարտադիր վճարներ՝ բացի շահութահարկից	(29,219)	(13,300)
Վճարված շահութահարկ	(15,560)	-
Այլ վճարումներ	(19,494)	(12,151)
Գործառնական գործունեությունից դրամական միջոցների զուտ հոսքեր	630,391	586,857
Ներդրումային գործունեությունից դրամական միջոցների հոսքեր		
Հիմնական միջոցների և ոչ նյութական ակտիվների ձեռքբերումից	(107,742)	(36,054)
Փոխառությունների տրամադրումից	(11,000)	(7,000)
Տրամադրած փոխառությունների մարումից	-	7,000
Ներդրումային գործունեությունից դրամական միջոցների զուտ հոսքեր	(118,742)	(36,054)
Ֆինանսական գործունեությունից դրամական միջոցների հոսքեր		
Վարկերի ստացումից	-	420,993
Վարկերի մարումից	(172,338)	(263,190)
Ստացված փոխառություններից	214,072	161,999
Ստացված փոխառությունների մարումից	(291,978)	(705,997)
Վարկերի գծով տոկոսների մարումից	(22,942)	(39,202)
Լիզինգի գծով պարտավորության մարումից	(102,944)	(76,059)
Լիզինգի գծով տոկոսների վճարումից	(43,059)	(52,258)
Ֆինանսական գործունեությունից դրամական միջոցների զուտ հոսքեր	(419,189)	(553,714)
Ընդամենը դրամական միջոցների զուտ հոսքեր	92,460	(2,911)
Դրամական միջոցների մնացորդն առ 1 հունվարի	33,586	37,421
Արտարժույթի փոխարժեքային տարբերություններ դրամական միջոցների գծով	(321)	(924)
Դրամական միջոցների մնացորդն առ 31 դեկտեմբերի	125,725	33,586


Տնօրեն

Արմինե Հովակիմյան



28 հունիսի 2024 թ.


Գլխավոր հաշվապահ

Վահագն Քեչիշյան

Դրամական միջոցների հոսքերի մասին հաշվետվությունը պետք է ընթերցվի սույն ֆինանսական հաշվետվությունների մաս կազմող՝ 10-ից 23-րդ էջերում ներկայացված կից ծանոթագրությունների հետ մեկտեղ:

1. Գործառնությունների բնույթը և ընդհանուր տեղեկատվություն

«Ալավմեդ Բժշկական Կենտրոն» ՍՊԸ (այսուհետ՝ Ընկերություն) ստեղծվել է 01.03.2012թ.-ին:

Ընկերությունը համարվում է, շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ , որը ստեղծվել է և իր գործունեության ընթացքում ղեկավարվում է ՀՀ Սահմանադրությանը, ՀՀ Քաղաքացիական օրենսգրքին, «Սահմանափակ պատասխանատվությամբ ընկերությունների մասին» ՀՀ օրենքին, գործող այլ իրավական ակտերին և իր կանոնադրությանը համապատասխան:

ա) Ընկերության

Անվանումը՝	«ԱԼԱՎՄԵԴ ԲԺՇԿԱԿԱՆ ԿԵՆՏՐՈՆ» ՍՊԸ
Գրանցման համարը՝	264.110.73525
Գրանցման վկայականը՝	03Ա 223525
Գրանցման ամսաթիվը՝	01.03.2012թ.
Իրավաբանական հասցեն՝	ՀՀ, ք. Երևան, Բաղրամյան պող., 3նրբ 4/8
Գործունեության հասցեն՝	ՀՀ, ք. Երևան, Բաղրամյան պող., 3նրբ 4/2
Հարկ վճարողի հաշվառման համարը՝	00111893

Ընկերության գործունեության հիմնական ուղղություններն են՝

- Բժշկական ծառայությունների մատուցումը, այդ թվում՝
 - Ախտորոշիչ ծառայություններ
 - Լաբորատոր հետազոտություններ
 - Բուժում և վերականգնում:
- Դեղերի վաճառք
- Սննդամթերքի արտադրություն և վաճառք:

Աշխատակիցների քանակը 31.12.2023թ. դրությամբ կազմել է 360 հոգի (31.12. 2022թ.՝ 328 հոգի):

բ) Կորպորատիվ կառուցվածքը

Ընկերության կանոնադրական կապիտալը կազմում է 1,152,420,000 (մեկ միլիարդ մեկ հարյուր հիսուներկու միլիոն չորս հարյուր քսան հազար) ՀՀ դրամ, որը բաժանված է երկու հատ բաժնեմասերի, համապատասխանաբար 1,152,370,000 (մեկ միլիարդ մեկ հարյուր հիսուներկու միլիոն երեք հարյուր յոթանասուն հազար) և 50,000 (հիսուն հազար) ՀՀ դրամ անվանական արժեքով: Ընկերության մասնակիցներ են՝

- Հովակիմյան Ստանիսլավ Գուրգենի - 99.996%
- Հովակիմյան Արմինե Ստանիսլավի - 0,004%

Ընկերության կառավարման բարձրագույն մարմինն Ընկերության մասնակիցների ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք: Ընկերության ընթացիկ գործունեության ղեկավարումն իրականացնում է Տնօրենը, ով ընտրվում է Ընկերության մասնակիցների ընդհանուր ժողովի կողմից:

2. Պատրաստման հիմքերը և ստորագրումը

2.1. Հայրաբարություն համապատասխանության մասին

Սույն ֆինանսական հաշվետվությունները պատրաստվել են Փոքր և միջին կազմակերպությունների ֆինանսական հաշվետվությունների միջազգային ստանդարտին («ՓՄԿ ՖՀՄՍ») համապատասխան: ՓՄԿ ՖՀՄՍ-ն ընդունվել է Հաշվապահական հաշվառման միջազգային ստանդարտների խորհրդի կողմից 2015թ., իսկ դրա պաշտոնական հայերեն տարբերակը հրապարակվել է ՀՀ կառավարության 2017 թ. մայիսի 25-ի N 559-Ն որոշմամբ:

2.2. Չափման հիմունքը

Սույն ֆինանսական հաշվետվությունները պատրաստվել են սկզբնական արժեքի հիմունքով:

2.3. Ներկայացման և ֆունկցիոնալ արժույթը

ՀՀ ազգային արժույթը ՀՀ դրամն է, որն Ընկերության ֆունկցիոնալ և ներկայացման արժույթն է: Ներկայացված ամբողջ ֆինանսական տեղեկատվությունը կլրացված է մինչև մոտակա հազար դրամը:

2.4. Սլորագրումը

Սույն ֆինանսական հաշվետվությունները ստորագրվել են 2024թ. հունիսի 28-ին Ընկերության տնօրեն Արմինե Հովակիմյանի և գլխավոր հաշվապահ Վահագն Քեչիշյանի կողմից:

3. Հաշվապահական հաշվառման քաղաքականություն

3.1. Հասույթի ճանաչում

Հասույթը չափվում է ստացված կամ ստացվելիք հատուցման իրական արժեքով: Ծառայությունների մատուցումից հասույթը ճանաչվում է շահույթում կամ վնասում՝ հաշվետու ամսաթվի դրությամբ գործարքի ավարտվածության աստիճանի հիման վրա, երբ ծառայությունների մատուցման գործարքի արդյունքը հնարավոր է արժանահավատորեն գնահատել: Ավարտվածության աստիճանը գնահատվում է կատարված աշխատանքների ուսումնասիրության հիման վրա: Գործարքի արդյունքը կարող է արժանահավատորեն գնահատվել, եթե բավարարվեն հետևյալ բոլոր պայմանները՝ ա) հնարավոր է արժանահավատորեն չափել հասույթի գումարը, բ) հավանական է, որ գործարքի հետ կապված տնտեսական օգուտները կհոսեն դեպի Ընկերություն, գ) հնարավոր է արժանահավատորեն չափել հաշվետու ժամանակաշրջանի վերջի դրությամբ գործարքի ավարտվածության աստիճանը, դ) հնարավոր է արժանահավատորեն չափել գործարքի համար կատարված և գործարքն ավարտելու համար անհրաժեշտ ծախսումները: Երբ ծառայությունների մատուցման գործարքի արդյունքը հնարավոր չէ արժանահավատորեն գնահատել, հասույթը ճանաչվում է միայն ճանաչված այն ծախսերի չափով, որոնք կփոխհատուցվեն: Այնքանով, որքանով մատուցվելիք կամ մատուցված ծառայության դիմաց հատուցումը ստացված է նախքան հասույթի ճանաչումը (ստացված կանխավճարների չափով), հասույթը չափվում է հատուցման՝ ստացման ամսաթվի դրությամբ իրական արժեքով: Ապրանքների (դեղորայքի բուժաբարագանների) վաճառքից հասույթը ճանաչվում է ապրանքը գնորդին հանձնելու պահին:

3.2. Շահութահարկ

Ընթացիկ և նախորդ ժամանակաշրջանների համար շահութահարկի գծով ընթացիկ հարկերը, դրանց չվճարված մասի չափով, ճանաչվում են որպես պարտավորություն: Եթե ընթացիկ և նախորդ ժամանակաշրջանների համար արդեն վճարված գումարը գերազանցում է այդ ժամանակաշրջանների համար վճարման ենթակա գումարը, ապա գերազանցող մասը ճանաչվում է որպես ակտիվ:

Ընթացիկ և նախորդ ժամանակաշրջանների համար ընթացիկ հարկային պարտավորությունները (ակտիվները) չափվում են այն գումարով, որն ակնկալվում է, որ կվճարվի բյուջե (կփոխհատուցվի բյուջեից)՝ կիրառելով հարկերի դրույքները (և հարկային օրենքները), որոնք ուժի մեջ են եղել հաշվետու ժամանակաշրջանի վերջի դրությամբ:

Հետաձգված հարկային պարտավորությունը ճանաչվում է բոլոր հարկվող ժամանակավոր տարբերությունների համար, բացառությամբ այն հետաձգված հարկային պարտավորությունների, որոնք առաջանում են՝

- ա) գույքի սկզբնական ճանաչումից,
- բ) ակտիվի կամ պարտավորության սկզբնական ճանաչումից՝ այնպիսի գործարքի ներքո, որը ձեռնարկատիրական գործունեության միավորում չէ և այդ գործարքի պահին չի ազդում ոչ հաշվապահական շահույթի, ոչ էլ հարկվող շահույթի (հարկային վնասի) վրա:

Հետաձգված հարկային ակտիվը ճանաչվում է բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը, բացառությամբ այն հետաձգված հարկային ակտիվների,

2023 թվականի ֆինանսական հաշվետվություններին կից ծանոթագրություններ

որոնք առաջանում են ակտիվի կամ պարտավորության սկզբնական ճանաչումից այնպիսի գործարքի ներքո, որը ձեռնարկատիրական գործունեության միավորում չէ և այդ գործարքի պահին չի ազդում ոչ հաշվապահական շահույթի, ոչ էլ հարկվող շահույթի (հարկային վնասի) վրա:

Առաջիկա ժամանակաշրջաններ փոխանցված չօգտագործված հարկային վնասների համար ճանաչվում է հետաձգված հարկային ակտիվ այն չափով, որ չափով հավանական է, որ Ընկերությունն ապագայում կունենա հարկվող շահույթ, որի դիմաց կարող են օգտագործվել այդ չօգտագործված հարկային վնասները և չօգտագործված հարկային զեղչերը:

Հետաձգված հարկային ակտիվները և պարտավորությունները չեն զեղչվում:

Հետաձգված հարկային ակտիվի հաշվեկշռային արժեքը յուրաքանչյուր հաշվետու ժամանակաշրջանի վերջի դրությամբ ստուգվում (վերանայվում) է: Ընկերությունը նվազեցնում է հետաձգված հարկային ակտիվի հաշվեկշռային արժեքն այն չափով, որքանով որ այլևս հավանական չէ, որ կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել: Ցանկացած այդպիսի նվազեցում պետք է վերականգնվի այն չափով, որքանով որ հավանական է դառնում բավարար հարկվող շահույթի ստացումը: Նման ճշգրտումները ճանաչվում են շահույթում կամ վնասում:

Ընթացիկ և հետաձգված հարկերը ճանաչվում են որպես եկամուտ կամ ծախս և ներառվում են տվյալ ժամանակաշրջանի շահույթի կամ վնասի մեջ, բացառությամբ հարկի այն մասի, որն առաջանում է կա՛մ ձեռնարկատիրական գործունեության միավորումից, կա՛մ գործարքից կամ իրադարձությունից, որը, նույն կամ մեկ այլ ժամանակաշրջանում, ճանաչվում է շահույթից կամ վնասից դուրս:

Ընթացիկ և հետաձգված հարկը ճանաչվում է շահույթից կամ վնասից դուրս, եթե հարկը վերաբերում է այն հոդվածներին, որոնք, նույն կամ մեկ այլ ժամանակաշրջանում, ճանաչված են շահույթից կամ վնասից դուրս: Հետևաբար, ընթացիկ և հետաձգված հարկերը, որոնք վերաբերում են այն հոդվածներին, որոնք, նույն կամ տարբեր ժամանակաշրջանում, ճանաչված են՝

- ա) այլ համապարփակ ֆինանսական արդյունքում, ճանաչվում են այլ համապարփակ ֆինանսական արդյունքում,
- բ) ուղղակիորեն սեփական կապիտալում, ճանաչվում են ուղղակիորեն սեփական կապիտալում (օրինակ՝ չբաշխված շահույթի սկզբնական մնացորդի ճշգրտում, որն առաջանում է կա՛մ հետընթաց կիրառվող հաշվապահական հաշվառման քաղաքականության փոփոխությունից, կա՛մ սխալի ուղղումից):

Ընկերությունը հետաձգված հարկային ակտիվը և հետաձգված հարկային պարտավորությունը հաշվանցում է այն և միայն այն դեպքում, երբ ա) ունի իրավունք՝ հաշվանցելու ընթացիկ հարկային ակտիվներն ընթացիկ հարկային պարտավորությունների դիմաց, բ) հետաձգված հարկային ակտիվը և հետաձգված հարկային պարտավորությունը վերաբերում են շահութահարկին, որը գանձվում է նույն հարկային մարմնի կողմից նույն հարկատուից:

3.3. Հիմնական միջոցներ

Հիմնական միջոցի միավորի սկզբնական արժեքը ճանաչվում է որպես ակտիվ այն և միայն այն դեպքում, երբ հավանական է, որ այդ միավորի հետ կապված ապագա տնտեսական օգուտները կհոսեն դեպի Ընկերություն, և միավորի սկզբնական արժեքը կարող է արժանահավատորեն չափվել:

Հիմնական միջոցի միավորը՝ որպես ակտիվ ճանաչելուց հետո, հաշվառվում է իր սկզբնական արժեքով (ինքնարժեքով)՝ հանած կուտակված մաշվածությունը և արժեզրկումից կուտակված կորուստները: Սկզբնական արժեքը ներառում է գնման գինը, ներառյալ ներկրման տուրքերը և չփոխհատուցվող հարկերը՝ հանած առևտրային զեղչերը, ակտիվը համապատասխան վայր հասցնելու և ղեկավարության նախանշած նպատակներով օգտագործման համար աշխատանքային վիճակի բերելու հետ ուղղակիորեն կապված ցանկացած ծախսումները: Հիմնական միջոցի միավորի հաշվեկշռային արժեքում ծախսումների ճանաչումը դադարեցվում է, երբ միավորը գտնվում է այն վայրում և վիճակում, որն անհրաժեշտ է, որպեսզի այն հնարավոր լինի օգտագործել ղեկավարության նախանշած նպատակներով:

Հիմնական միջոցի միավորի օտարումից կամ դուրսգրումից առաջացած օգուտը կամ կորուստը որոշվում է որպես ակտիվի իրացումից զուտ մուտքերի (եթե առկա են) և հաշվեկշռային արժեքի տարբերություն:

Հիմնական միջոցի միավորի ապաճանաչումից առաջացող օգուտը կամ կորուստը ներառվում է շահույթում կամ վնասում, երբ միավորն ապաճանաչվում է:

Հիմնական միջոցի առանձին հաշվառվող միավորի բաղկացուցիչ փոխարինման ծախսումները, որոնք հաշվառվում են որպես առանձին ակտիվ, ճանաչվում է հաշվեկշռային արժեքում, երբ այդ ծախսումները կատարվում են, և եթե բավարարվում են ճանաչման չափանիշները: Այդ փոխարինված մասերի հաշվեկշռային արժեքն ապաճանաչվում է: Պահպանման և ընթացիկ սպասարկման-վերանորոգման ծախսումները ճանաչվում են շահույթում կամ վնասում կատարվելու ժամանակաշրջանում:

Ժամանակաշրջանի մաշվածության գումարը ճանաչվում է շահույթում կամ վնասում՝ կիրառելով հաշվարկի գծային մեթոդը հիմնական միջոցի գնահատված օգտակար ծառայության ժամկետի ընթացքում: Որոշ դեպքերում, երբ ակտիվում մարմնավորված ապագա տնտեսական օգուտները կլանվում են մեկ այլ ակտիվի արտադրության ընթացքում, այդ դեպքում մաշվածության գումարը կազմում է այդ ակտիվի արժեքի մի մասը և ներառվում է դրա հաշվեկշռային արժեքում: Ակտիվի մաշվածությունը սկսում է հաշվարկվել, երբ այն մատչելի է օգտագործման համար, այսինքն, երբ այն գտնվում է այնպիսի վայրում և վիճակում, որն անհրաժեշտ է՝ դեկավարության նախանշած նպատակով այն օգտագործելու համար: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանց մաշվածությունը հաշվարկվում է առանձին:

Հիմնական միջոցների գնահատված օգտակար ծառայության ժամկետները ներկայացված են ստորև.

- Շենքեր 20-40 տարի
- Տրանսպորտային միջոցներ 7 տարի
- Տնտեսական և այլ գույք 1-10 տարի
- Մեքենաներ և սարքավորումներ 1-10 տարի
- Համակարգչային տեխնիկա և սերվերներ 1-10 տարի

3.4. Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են կանխիկ դրամական միջոցները և բանկերում բացված հաշվարկային հաշիվները:

3.5. Գործառնական վարձակալություն

Վարձակալությունը դասակարգվում է որպես ֆինանսական վարձակալություն, երբ վարձակալության պայմաններով սեփականության հետ կապված ըստ էության բոլոր ռիսկերն ու օգուտները փոխանցվում են վարձակալին: Մյուս բոլոր վարձակալությունները դասակարգվում են որպես գործառնական վարձակալություն: Ընկերությունը վարձակալում է ակտիվներ, մասնավորապես՝ վարչական մասնաշենք:

Վարձակալված ակտիվները (բացառությամբ ֆինանսական վարձակալության դեպքերի) չեն ճանաչվում Ընկերության ֆինանսական վիճակի մասին համախմբված հաշվետվությունում:

Գործառնական վարձակալության վճարումները գծային հիմունքով ճանաչվում են որպես ծախս վարձակալության ժամկետում, բացառությամբ, երբ մեկ այլ սխտեմատիկ հիմունք ավելի լավ է ներկայացնում վարձակալված ակտիվի տնտեսական օգուտների սպառման ժամանակային գրաֆիկը: Գործառնական վարձակալության ներքո առաջացող պայմանական վարձավճարները ճանաչվում են որպես ծախս այն ժամանակաշրջանում, երբ դրանք առաջանում են:

Այն դեպքում, երբ խրախուսող պայմաններ են ստացվում գործառնական վարձակալության պայմանագիր կնքելու համար, այդ խրախուսող վճարները ճանաչվում են որպես պարտավորություն: Խրախուսող պայմաններից ամբողջ օգուտը ճանաչվում է որպես վարձակալական ծախսի նվազեցում գծային հիմունքով, բացառությամբ, երբ մեկ այլ սխտեմատիկ հիմունք ավելի լավ է ներկայացնում վարձակալված ակտիվի տնտեսական օգուտների սպառման ժամանակային գրաֆիկը:

3.6. Արկարժույթային գործարքներ

Ֆինանսական հաշվետվություններ պատրաստելիս Ընկերության համար գործառնական արժույթից տարբեր

2023 թվականի ֆինանսական հաշվետվություններին կից ծանոթագրություններ

այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի («ՀՀ ԿԲ») կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀՀ ԿԲ կողմից հրապարակված փոխարժեքը: Ոչ դրամային հոդվածները, որոնց սկզբնական արժեքը հաշվառվում է արտարժույթով, չեն վերահաշվարկվում:

Արտարժույթային գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում:

Հաշվետու ամսաթվի դրությամբ և հաշվետու ժամանակաշրջանի ընթացքում միջին փոխարժեքները՝ հիմք ընդունելով յուրաքանչյուր օրվա համար ՀՀ ԿԲ կողմից հրապարակված միջին փոխարժեքները, ներկայացված են ստորև.

Դրամով	Միջին փոխարժեքներ		Հաշվետու ամսաթվի փոխարժեք	
	2023թ.	2022թ.	31.12.2023թ.	31.12.2022թ.
1 ԱՄՆ Դոլար	392.47	434.86	404.79	393.57
1 ԵՎՐՈ	424.58	459.48	447.90	420.06

3.7. Պաշարներ

Պաշարները չափվում են ինքնարժեքից և իրացման զուտ արժեքից նվազագույնով: Պաշարների ինքնարժեքը ներառում է ձեռքբերման, արտադրանքի վերամշակման բոլոր ծախսումները և պաշարները ներկա գտնվելու վայր և վիճակի բերելու հետ կապված բոլոր այլ ծախսումները: Պաշարների ինքնարժեքը որոշվում է կիրառելով «Առաջինը մուտք՝ առաջինը ելք» (ՖԻՖՈ) բանաձևը:

3.8. Ֆինանսական գործիքներ

(i) Առևտրական և այլ դեբիտորական պարտքեր

Դեբիտորական պարտքերը սովորաբար ճանաչվում են կատարված աշխատանքների դիմաց նախահաշիվների և ընդունման-հանձնման ակտերի հիման վրա դուրս գրված հաշիվ ապրանքագրերի անվանական գումարներով: Յուրաքանչյուր տարեվերջին Ընկերությունը ստուգում է դեբիտորական պարտքերի հավաքման հավանականությունը և անհրաժեշտության դեպքում ստեղծում է հնարավոր կորուստների պահուստ՝ շահույթում կամ վնասում ճանաչելով արժեզրկումից կորուստը:

(ii) Առևտրական և այլ կրեդիտորական պարտքեր

Ընկերության կրեդիտորական պարտքերը մարման սովորական ժամկետով, անտոկոս ֆինանսական պարտավորություններ են, որոնք ճանաչվում են անվանական գումարներով:

(iii) Տրամադրած և սրացված փոխառություններ

Տրամադրած և ստացված փոխառությունները սկզբնապես հաշվառվում են գործարքի գումարով, իսկ հետագայում՝ ամորտիզացված արժեքի մեթոդով՝ արդյունքային տոկոսադրույքով: Կարճաժամկետ անտոկոս կամ շուկայականից էականորեն ցածր տոկոսադրույքով փոխառությունները հաշվառվում են գործարքի գումարով և անվանական տոկոսադրույքով: Երկարաժամկետ փոխառությունները հաշվառվում են վճարվելիք կամ ստացվելիք գումարների (ներառյալ տոկոսների վճարումների ու մայր գումարի վերադարձի) ներկա արժեքով: Այդ ներկա արժեքի և գործարքի գումարի միջև տարբերությունը ճանաչվում է շահույթում կամ վնասում, բացառությամբ երբ գործարքի կողմը սեփականատեր է, որի դեպքում այդ տարբերությունը ճանաչվում է սեփական կապիտալում՝ որպես սեփականատերերից կապիտալի հատկացում կամ սեփականատերերին շահույթի բաշխում: Մինչև մեկ տարի ժամկետով գործարքները սեփականատերերի հետ հաշվառվում են անվանական գումարներով:

3.9. Հիմնական միջոցների և ոչ նյութական ակտիվների արժեզրկում

Յուրաքանչյուր տարեվերջին Ընկերությունը ստուգում է, թե արդյոք առկա է որևէ վկայություն, որ հիմնական

2023 թվականի ֆինանսական հաշվետվություններին կից ծանոթագրություններ

միջոցները և ոչ նյութական ակտիվները կարող են արժեզրկված լինել: Եթե կա նման վկայություն, ապա իրականացվում է համապատասխան ակտիվ(ներ)ի արժեզրկվածության հաշվարկ: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը: Փոխհատուցվող գումարը՝ ակտիվի կամ դրամաստեղծ միավորի իրական արժեքից հանած վաճառքի ծախսումները և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը: Արժեզրկումից կորուստը ճանաչվում է շահույթում կամ վնասում:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքն ավելացվում է մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլիներ, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորստի հակադարձումն անմիջապես ճանաչվում է շահույթում կամ վնասում:

3.10. Պահուստներ

Պահուստը ճանաչվում է, երբ Ընկերությունն ունի ներկա պարտականություն (իրավական կամ կառուցողական)՝ որպես անցյալ դեպքերի արդյունք, և հավանական է, որ այդ պարտականությունը մարելու համար կպահանջվի տնտեսական օգուտներ մարմնավորող միջոցների արտահոսք, պարտականության գումարը հնարավոր է արժանահավատորեն գնահատել: Եթե ժամանակի մեջ դրամի արժեքի ազդեցությունն էական է, ապա պահուստի գումարն իրենից ներկայացնում է այն ծախսումների ներկա արժեքը, որոնք, ըստ ակնկալության, կպահանջվեն այդ պարտականությունը մարելու համար:

Զեղչման դրույքն այն դրույքն է, առանց հաշվի առնելու հարկման ազդեցությունը, որն արտացոլում է ժամանակի մեջ դրամի արժեքի և այդ պարտավորությանը հատուկ ռիսկերի ընթացիկ շուկայական գնահատումները: Զեղչման դրույքը չի արտացոլի այն ռիսկերը, որոնց գծով դրամական միջոցների ապագա հոսքերի գնահատումներն արդեն ճշգրտվել են:

Յուրաքանչյուր հաշվետու ժամանակաշրջանի վերջի դրությամբ պահուստները վերանայվում են և ճշգրտվում են՝ ընթացիկ լավագույն գնահատականն արտացոլելու համար: Եթե այլևս հավանական չէ, որ պարտավորությունը մարելու համար կպահանջվի տնտեսական օգուտներ մարմնավորող միջոցների արտահոսք, ապա պահուստը հակադարձվում է: Պահուստն օգտագործվում է միայն այն ծախսումների դիմաց, որոնց գծով այդ պահուստը սկզբնապես ճանաչվել էր:

3.11. Աշխատակիցների հատուցումներ

Աշխատակիցների հատուցումները ներառում են՝

- a. Աշխատավարձը,
- b. կարճաժամկետ փոխհատուցելի բացակայությունները, ինչպիսիք են վճարովի տարեկան արձակուրդը և ժամանակավոր անաշխատունակության նպաստը,
- c. պարգևավճարները:

Աշխատակիցների հատուցումների այն գումարը, որն ակնկալվում է վճարել հաշվետու ժամանակաշրջանի ընթացքում աշխատակիցներից ստացված ծառայության դիմաց, ճանաչվում է՝ ա) որպես պարտավորություն (հաշվեզրկված ծախս)՝ արդեն վճարված գումարները հանելուց հետո, և բ) որպես ծախս, բացառությամբ, երբ որևէ ստանդարտով պահանջվում կամ թույլատրվում է այդ հատուցումների ներառումը որևէ ակտիվի ինքնարժեքի (սկզբնական արժեքի) մեջ: Եթե արդեն վճարված գումարը գերազանցում է հատուցումների գումարը, ապա Ընկերությունն այդ գերազանցումը ճանաչում է որպես ակտիվ (կանխավճարված ծախս) այնքանով, որքանով այդ կանխավճարը կհանգեցնի, օրինակ, ապագա վճարումների նվազման կամ դրամական միջոցների վերադարձի:

Ընկերությունն աշխատակիցների կարճաժամկետ հատուցումների գծով ակնկալվող ծախսումները՝

2023 թվականի ֆինանսական հաշվետվություններին կից ծանոթագրություններ

կուտակվող փոխհատուցելի բացակայությունների ձևով (ինչպիսին է վճարովի ամենամյա արձակուրդը) ճանաչում է, երբ աշխատակիցները մատուցում են ծառայություն, որն ավելացնում է ապագա փոխհատուցելի բացակայությունների նրանց իրավունքը: Կուտակվող փոխհատուցելի բացակայությունների գծով ակնկալվող ծախսումները չափվում են այն լրացուցիչ գումարով, որն Ընկերությունն ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք:

Ընկերությունը պարզակավճարների գծով ակնկալվող ծախսումները ճանաչում է, երբ՝ ա) այն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ դեպքերի արդյունք և բ) պարտականությունը կարող է արժանահավատորեն գնահատվել: Ներկա պարտականություն գոյություն ունի այն և միայն այն դեպքում, երբ Ընկերությունը պարտականության կատարումից խուսափելու որևէ իրատեսական հնարավորություն չունի:

4. Գնահատումներ և դատողություններ

ՓՄԿ ՖՀՄՍ-ին համապատասխան ֆինանսական հաշվետվությունների պատրաստումը պահանջում է Ընկերության ղեկավարությունից կատարել գնահատումներ և ենթադրություններ, որոնք ազդում են հաշվապահական հաշվառման քաղաքականության կիրառման, ինչպես նաև հաշվետու ժամանակաշրջանի վերջի դրությամբ ակտիվների, պարտավորությունների և պայմանական պարտավորությունների գումարների վրա և հաշվետու ժամանակաշրջանի եկամուտների ու ծախսերի մեծության վրա: Գնահատումները և դատողությունները շարունակաբար գնահատվում են և հիմնված են ղեկավարության փորձի և այլ գործոնների վրա՝ ներառյալ ապագա իրադարձությունների սպասումները, որոնք ողջամիտ են որոշակի հանգամանքների պարագայում: Այնուամենայնիվ, այս ենթադրությունների և գնահատականների վերաբերյալ անորոշությունը կարող է բերել այնպիսի հետևանքների, որոնք կպահանջեն հետագայում ակտիվների ու պարտավորությունների հաշվեկշռային արժեքների էական փոփոխություններ:

4.1. Հիմնական միջոցների օգտակար ծառայություն

Հիմնական միջոցների օգտակար ծառայության ժամկետի գնահատումը դատողության արդյունք է՝ հիմնված նման ակտիվի հետ կապված փորձի վրա: Ակտիվներում մարմնավորված ապագա տնտեսական օգուտները սպառվում են հիմնականում օգտագործմանը զուգընթաց: Այնուամենայնիվ, այնպիսի գործոններ, ինչպիսիք են տնտեսական, ֆիզիկական կամ տեխնոլոգիական մաշվածությունները, հաճախ հանգեցնում են ակտիվի տնտեսական օգուտների նվազման: Ղեկավարությունը մնացորդային օգտակար ծառայության ժամկետը գնահատում է ակտիվի ընթացիկ տեխնիկական վիճակին համապատասխան և ըստ այն գնահատված ժամանակաշրջանի, որի ընթացքում Ընկերությունը կանխատեսում է ստանալ օգուտներ: Հաշվի են առնված հետևյալ հիմնական գործոնները. ակտիվների կանխատեսվող օգտագործումը, գործառնական գործոններից և պահպանման ու սպասարկման պլաններից կախված՝ մաշվածությունը և շուկայական պայմանների փոփոխություններից առաջացող տեխնիկական և առևտրային մաշվածությունը:

4.2. Ակտիվների արժեքկումը

Յուրաքանչյուր հաշվետու ժամանակաշրջանի համար Ընկերությունը գնահատում է ակտիվների փոխհատուցվող գումարի հաշվեկշռային արժեքից նվազման հայտանիշները: Փոխհատուցվող արժեքն իրենից ներկայացնում է օգտագործման արժեքից և վաճառքի համար անհրաժեշտ ծախսերով նվազեցված ակտիվի իրական արժեքներից մեծագույնը: Եթե հայտնաբերվում են նվազման հայտանիշներ, հաշվեկշռային արժեքը նվազեցվում է մինչև փոխհատուցվող արժեքը: Նվազման չափը հաշվառվում է համապարփակ ֆինանսական արդյունքների մասին հաշվետվությունում այն ժամանակահատվածում, որում նվազումը բացահայտվել է: Եթե պայմանները փոխվում են, և ղեկավարությունը որոշում է, որ ակտիվների արժեքն ավելացել է, արժեքկումն պահուստն ամբողջությամբ կամ մասամբ հակադարձվում է:

Ներկայումս գոյություն չունեցող անցյալ պայմանների ազդեցությունը վերացնելու և անցյալում գոյություն չունեցող, բայց ներկայումս առկա պայմանների ազդեցությունն արտացոլելու նպատակով անցյալ փորձը ճշգրտվում է ընթացիկ դիտելի տվյալների հիման վրա:

«Ալավնեդ Բժշկական Կենտրոն» ՍՊԸ

2023 թվականի ֆինանսական հաշվետվություններին կից ծանոթագրություններ

5. Հիմնական միջոցներ

Հազար դրամ	Շենքեր և կառուցվածքներ	Տնտեսական և այլ գույք	Համակարգչային տեխնիկա և սերվերներ	Մեքենաներ և սարքավորումներ	Հողամասեր	Այլ հիմնական միջոցներ	Շահագործման մեջ չգտնվող հիմնական միջոցներ	Ընդամենը
Արժեք								
Մնացորդ առ 01.01.2022թ.	938,902	215,831	14,887	3,087,244	265,770	373,428	480,430	5,376,492
Ավելացում	-	16,838	2,665	26,518	-	26,884	5,063	77,968
Կապիտալացում	-	1,414	-	185	-	2,333	-	3,932
Դուրս գրում	-	-	-	(1,461)	-	-	-	(1,461)
Մնացորդ առ 31.12.2022թ.	938,902	234,083	17,552	3,112,486	265,770	402,645	485,493	5,456,931
Ավելացում	-	15,242	3,569	90,291	-	24,334	3,515	136,951
Կապիտալացում	-	23	-	30	-	44	-	97
Շահագործման հանձնում	489,008	-	-	-	-	-	(489,008)	-
Նվազում	-	-	-	-	-	-	-	-
Մնացորդ առ 31.12.2023թ.	1,427,910	249,348	21,121	3,202,807	265,770	427,023	-	5,593,979
Մաշվածություն								
Մնացորդ առ 01.01.2022թ.	27,292	93,295	13,741	1,688,559	-	105,728	-	1,928,615
Տարվա մաշվածություն	46,828	20,003	2,016	285,517	-	48,639	-	403,003
Դուրս գրում	-	-	-	(1,168)	-	-	-	(1,168)
Մնացորդ առ 31.12.2022թ.	74,120	113,298	15,757	1,972,908	-	154,367	-	2,330,450
Տարվա մաշվածություն	14,732	21,895	2,756	284,980	-	51,870	-	376,233
Դուրս գրում	-	-	-	-	-	-	-	-
Մնացորդ առ 31.12.2023թ.	88,852	135,193	18,513	2,257,888	-	206,237	-	2,706,683
Հաշվեկշռային արժեք								
Առ 01.01.2022թ.	911,610	122,536	1,146	1,398,685	265,770	267,700	480,430	3,447,877
Առ 31.12.2022թ.	864,782	120,785	1,795	1,139,578	265,770	248,278	485,493	3,126,481
Առ 31.12.2023թ.	1,339,058	114,155	2,608	944,919	265,770	220,786	-	2,887,296

2023թ. դեկտեմբերի 31-ի դրությամբ Ընկերությանը սեփականությամբ պատկանող որոշ մեքենա-սարքավորումներ գրավադրված են՝ որպես բանկային վարկերի ապահովություն: Ընկերության կողմից կառուցված նոր մասնաշենքը նախորդ տարի հանձնվել է փաստացի շահագործման, սակայն հանձնման թույլտվության և դրա նկատմամբ սեփականության իրավունքի գրանցման իրավական գործընթացներն դեռ ավարտված չեն:

6. Այլ ոչ ընթացիկ ակտիվներ

Հազար դրամ	Առ 31.12.2023թ.	Առ 31.12. 2022թ.
Կանխավճարներ ոչ ընթացիկ ակտիվներ ձեռք բերելու համար	107,953	76,596
Ոչ նյութական ակտիվներ	935	858
Ընդամենը	108,888	77,454

7. Պաշարներ

Հազար դրամ	Առ 31.12.2023թ.	Առ 31.12. 2022թ.
Դեղորայք	63,348	55,698
Բժշկական նյութեր և պարագաներ	79,122	76,472
Ապրանքներ	17,006	12,725
Տնտեսական պարագաներ	15,417	7,969
Սննդամթերք	1,787	1,553
Ընդամենը	176,680	154,417

Հաշվետու տարվա ընթացքում որպես ծախս ճանաչված պաշարների արժեքը կազմել է 542,784 հազար դրամ (2022թ.՝ 502,804 հազար դրամ): Պաշարների սեփականության իրավունքի սահմանափակումներ չկան:

8. Առևտրական և այլ դեբիտորական պարտքեր

Հազար դրամ	Առ 31.12.2023թ.	Առ 31.12.2022թ.
Դեբիտորական պարտքեր վաճառքների գծով	101,456	82,339
Տրված ընթացիկ կանխավճարներ	8,884	2,555
Այլ դեբիտորական պարտքեր	3,157	2,978
Ընդամենը	113,497	87,872

9. Դրամական միջոցներ և ոչ դրամային գործարքներ

9.1. Դրամական միջոցների մնացորդներ

Հազար դրամ	Առ 31.12.2023թ.	Առ 31.12.2022թ.
Բանկային հաշիվներ՝ ՀՀ դրամով	109,771	15,485
Բանկային հաշիվներ՝ արտարժույթով	289	161
Դրամարկղ՝ ՀՀ դրամով	15,665	17,940
Ընդամենը	125,725	33,586

9.2. Ոչ դրամային գործարքներ

Կատարվել են ներդրումային կամ ֆինանսավորման գործունեությանը վերաբերող հետևյալ ոչ դրամային գործարքները.

Հազար դրամ	2023թ.	2022թ.
Լիզինգով հիմնական միջոցների ձեռքբերում	73,646	-
Ընդամենը	73,646	-

10. Կանոնադրական կապիտալ

Ընկերության կանոնադրական կապիտալը լրիվ վճարված է և բաղկացած է երկու բաժնեմասից՝ 1,152,370,000 (մեկ միլիարդ մեկ հարյուր հիսուններկու միլիոն երեք հարյուր յոթանասուն հազար) և 50,000 (հիսուն հազար) ՀՀ դրամ գումարներով:

«Սլավոնի Բժշկական Կենտրոն» ՍՊԸ

2023 թվականի ֆինանսական հաշվետվություններին կից ծանոթագրություններ

11. Բանկային վարկեր

Երկարաժամկետ մաս.

Հազար դրամ	2023թ.	2022թ.
Բանկային վարկ՝ դոլարով, մինչև 15.04.2027թ. մարման ժամկետով, տարեկան 8% տոկոսադրույքով	188,216	251,490
Բանկային վարկ՝ Եվրոյով, մինչև 29.05.2024թ. մարման ժամկետով, տարեկան 2,5% տոկոսադրույքով	-	34,291
Ընդամենը	188,216	285,781

Բանկային վարկերը ապահովված են մասնակիցների և այլ կապակցված կողմերի երաշխավորություններով:

Կարճաժամկետ մաս.

Հազար դրամ	2023թ.	2022թ.
Բանկային վարկ՝ Եվրոյով, մինչև 29.05.2024թ. մարման ժամկետով, տարեկան 2,5% տոկոսադրույքով	43,919	82,297
Բանկային վարկ՝ դոլարով, մինչև 15.04.2027թ. մարման ժամկետով, տարեկան 8% տոկոսադրույքով	70,444	63,297
Ակրեդիտիվ՝ Եվրոյով, մինչև 2023թ. մարման ժամկետով	-	27,792
Ընդամենը	114,363	173,386

12. Կարճաժամկետ փոխառություններ

Հազար դրամ	2023թ.	2022թ.
Կարճաժամկետ փոխառություն կապակցված կողմից՝ դրամով, անտոկոս	1,337,763	1,386,785
Կարճաժամկետ փոխառություն կապակցված կողմից՝ դրամով, 8.5-9.5%-ով	31,028	59,380
Տոկոսներ կարճաժամկետ փոխառությունների գծով	5,846	966
Ընդամենը	1,374,637	1,447,131

13. Լիզինգի գծով պարտավորություններ

Ընկերությունն ունի լիզինգով ստացված սարքավորումներ մի քանի պայմանագրերով, որոնց ժամկետը մինչև 2027 թվականն է:

Ստորև ներկայացված են լիզինգի գծով պարտավորություններն ըստ մարման ժամկետների.

Հազար դրամ	Լիզինգի գծով պարտավորություններ		Լիզինգի գծով պարտավորությունների ներկա արժեք	
	31.12.2023թ.	31.12. 2022թ.	31.12.2023թ.	31.12.2022թ.
Մինչև մեկ տարի	174,399	144,538	135,641	102,695
1-ից 5 տարի	289,377	373,714	261,928	323,922
5 տարուց ավելի	-	-	-	-
Հանած դեռ չկրած ֆինանսական ծախսեր՝	(66,208)	(91,635)	-	-

Ներառված ֆինանսական վիճակի մասին հաշվետվության մեջ՝

Հազար դրամ	31.12.2023թ.	31.12.2022թ.
- Լիզինգի գծով պարտավորությունների ընթացիկ մաս	135,641	102,695
- Լիզինգի գծով պարտավորությունների ոչ ընթացիկ մաս	261,928	323,922
	397,569	426,617

14. Առևտրական և այլ կրեդիտորական պարտքեր

Առևտրական և այլ կրեդիտորական պարտքերն առավելապես վերաբերում են ՀՀ տարածքում ձեռք բերված նյութերի, հիմնական միջոցների և ստացված ծառայությունների դիմաց մատակարարներին վճարման ենթակա գումարներին:

«Ալավմեդ Բժշկական Կենտրոն» ՍՊԸ

2023 թվականի ֆինանսական հաշվետվություններին կից ծանոթագրություններ

Հազար դրամ	31.12.2023թ.	31.12.2022թ.
Առևտրական կրեդիտորական պարտքեր	61,580	135,459
Կրեդիտորական պարտքեր հիմնական միջոցների ձեռքբերման գծով	2,158	21,630
Այլ հարկերի և պարտադիր վճարների գծով պարտավորություններ	36,730	38,756
Աշխատանքի վարձատրության գծով կրեդիտորական պարտքեր և պահուստներ	27,654	28,646
Ստացված ընթացիկ կանխավճարներ	227	60
Ընդամենը առևտրական և այլ կրեդիտորական պարտքեր	128,349	224,551

15. Հետաձգված հարկային ակտիվներ և պարտավորություններ

15.1. Ճանաչված հետաձգված հարկային ակտիվներ և պարտավորություններ

Հետաձգված հարկային ակտիվները և պարտավորությունները կապված են ստորև նշվածների հետ.

Հազար դրամ	Ակտիվներ		Պարտավորություններ		Զուտ	
	31.12.23թ.	31.12.22թ.	31.12.23թ.	31.12.22թ.	31.12.23թ.	31.12.22թ.
Հիմնական միջոցներ	1,133	6,218	-	-	1,133	6,218
Արձակուրդայինի պահուստ	83,987	75,453	-	-	83,987	75,453
Զուտ հարկային ակտիվ (պարտավորություն)	85,120	81,671	-	-	85,120	81,671

15.2. Փոփոխություններ ժամանակավոր տարբերություններում տարվա ընթացքում

Հազար դրամ	01.01.22թ.	ճանաչված 2022թ.	31.12.22թ.	ճանաչված 2023թ.	31.12.23թ.	
Հիմնական միջոցներ		4,814	1,404	6,218	(5,086)	1,132
Արձակուրդայինի պահուստ		60,141	15,313	75,454	8,534	83,988
Հարկային վնաս		2,216	(2,216)	-	-	-
Ընդամենը		67,170	14,501	81,672	3,448	85,120

16. Հասույթ

Հազար դրամ	2023թ.	2022թ.
Բժշկական ծառայությունների մատուցումից հասույթ	3,530,048	2,994,868
Այլ ծառայությունների մատուցումից հասույթ	38,560	75,349
Ապրանքների վաճառքից հասույթ	64,585	58,564
Ընդամենը	3,633,193	3,128,781

17. Վաճառքի ինքնարժեք

Հազար դրամ	2023թ.	2022թ.
Աշխատավարձ	1,979,732	1,762,523
Մաշվածություն և ամորտիզացիա	340,898	345,294
Նյութաձախս	490,377	491,396
Կոմունալ	34,648	31,263
ՀՄ սպասարկման ծախսեր	33,416	43,496
Մաքրության և բժշկական թափոնների ոչնչացման ծախսեր	28,299	23,599
Լաբորատոր աշխատանքներ և հետազոտություններ	27,996	28,115
Ապրանքների վաճառքի ինքնարժեք	55,407	49,735
Այլ	6,285	5,474
Ընդամենը	2,997,058	2,780,895

18. Այլ եկամուտներ

<i>Հազար դրամ</i>	<u>2023թ.</u>	<u>2022թ.</u>
Շնորհներից և անհատույց ստացումներից եկամուտներ	3,802	5,243
Պետական աջակցության ծրագրի շրջանակում ստացված լիզինգի տոկոսի սուբսիդավորում	3,430	2,277
Տարածքի վարձակալությունից եկամուտ	2,400	2,350
Տոկոսային եկամուտ	357	-
Այլ	1,778	2,676
Ընդամենը	11,767	12,546

19. Վարչական ծախսեր

<i>Հազար դրամ</i>	<u>2023թ.</u>	<u>2022թ.</u>
Աշխատավարձ	118,402	120,095
Գրասենյակային և կոմունալ	31,784	32,918
Պահպանության ծառայություն	28,297	26,648
Մաշվածություն և ամորտիզացիա	30,970	53,235
Բանկային ծախսեր և ապահովագրություն	17,534	10,832
Նյութածախս	1,170	8,717
Գործուղման և խորհրդատվական ծախսեր	5,511	2,600
Հարկեր և այլ պարտադիր վճարներ	3,975	3,318
ՀՄ սպասարկման ծախսեր	4,451	1,380
Այլ	7,842	5,024
Ընդամենը	249,936	264,767

20. Ֆինանսական ծախսեր

<i>Հազար դրամ</i>	<u>2023թ.</u>	<u>2022թ.</u>
Վարկերի և ակրեդիտիվների գծով	31,509	34,345
Լիզինգի գծով	46,041	52,258
Փոխառությունների գծով	5,413	544
Ընդամենը	82,963	87,147

21. Շահութահարկի գծով ծախս

<i>Հազար դրամ</i>	<u>2023թ.</u>	<u>2022թ.</u>
Ընթացիկ շահութահարկի գծով ծախս	49,559	9,700
Հետաձգված հարկի գծով ծախս (եկամուտ)՝ կապված ժամանակավոր տարբերությունների առաջացման և մարման հետ (տես ծանոթ. 15)	(3,448)	(14,501)
Ընդամենը	46,111	(4,801)

Ընկերության կիրառելի շահութահարկի դրույքը 18% է (2022թ.՝ 18%):

Շահութահարկի փաստացի (արդյունքային) տոկոսադրույքի համապարասխանեցում.

<i>Հազար դրամ</i>	<u>2023թ.</u>	<u>%</u>	<u>2022թ.</u>	<u>%</u>
Շահույթ նախքան հարկումը	265,927		209,510	
Շահութահարկ՝ ընթացիկ դրույքաչափով	47,867	18.0	37,690	18.0
Փոխարժեքային տարբերությունների ազդեցությունը	2,003	0.7	(42,514)	(20.3)
Նախորդ տարվա սխալի ուղղման ազդեցությունը	(3,992)	(1.5)	-	-
Այլ չնվազեցվող ծախսեր (չհարկվող եկամուտներ)՝ զուտ	234	0.1	23	0.01

Հազար դրամ	2023թ.	%	2022թ.	%
	46,111	17.3	(4,801)	(2.3)

22. Կապակցված կողմերի հետ գործարքներ

22.1. Վերահսկողության փոխհարաբերություն

Ընկերությունը մայր ընկերություն չունի: Ընկերության մասնակիցները թվով 2 ֆիզիկական անձինք են (Ծանոթ. 1):

22.2. Ղեկավարության հատուցումները

Ընկերության առանցքային անձնակազմի գծով հատուցումները հետևյալն են.

Հազար դրամ	2023թ.	2022թ.
Աշխատակիցների կարճաժամկետ հատուցումներ	15,615	13,038
	15,615	13,038

22.3. Գործարքներ այլ կապակցված կողմերի հետ

Հազար դրամ	Գործարքի գումար	Գործարքի գումար	Չմարված մնացորդ	Չմարված մնացորդ
	2023թ.	2022թ.	31.12.2023թ.	31.12.2022թ.
Ընկերության մասնակիցների հետ՝				
Ստացված փոխառություններ	-	102,625	1,226,785	1,386,785
Ստացված փոխառությունների մարում	160,000	718,885	-	-
Այլ կապակցված կողմերի հետ՝				
Տրամադրված փոխառություններ	11,000	7,000	11,000	-
Տրամադրված փոխառությունների մարում	-	7,000	-	-
Տրամադրված փոխառությունների տոկոս	356	-	356	-
Ստացված փոխառություններ	214,072	59,379	141,473	59,379
Ստացված փոխառությունների մարում	131,978	-	-	-
Ստացված փոխառությունների տոկոս	5,412	539	5,840	967
Ապրանքների ձեռքբերում	26,748	27,613	2,194	5,704
Ստացված երաշխավորություններ	-	-	43,919	116,588
Կապակցված կողմերի հետ համատեղ տրամադրված երաշխավորություններ	-	-	619,370	3,040,887

23. Պայմանական դեպքեր

23.1. Դատական գործեր

29.04.2021 թ. ՊԵԿ-ի կողմից Ընկերության հանդեպ կայացվել է վարչական ակտ, որով առաջադրվել է տուգանք շուրջ 9.5 (ինն ու կես) մլն դրամի չափով: Դրա կատարումը կասեցված էր, քանի որ Ընկերությունը բողոքարկել էր վարչական դատարան, ինչը 02.05.2023թ. վճռով բավարարվել է: ՊԵԿ-ի կողմից ներկայացվել է վերաքննիչ բողոք և դատական նիստը նշանակված է 2024թ-ի սեպտեմբերին: Ընկերության իրավաբանները գտնում են, որ վերաքննիչ բողոքի մերժման հավանականությունը բարձր է և այդ հիմքով այդ տուգանքը սույն ֆինանսական հաշվետվություններում արտացոլված չէ:

23.2. Երաշխավորություններ

Ընկերությունը մեկ այլ կապակցված կազմակերպության ստանձնած վարկերի համար՝ մեկ միլիարդ և տասը միլիոն դոլար սահմանաչափերով, բանկի հանդեպ հանդիսանում է երաշխավոր: Տարեվերջի դրությամբ այդ վարկի մայր գումարը, որի նկատմամբ տարածվում է համատեղ տրամադրված երաշխավորությունը, կազմում է 619,370 հազ. դրամ (2022թ.՝ 3,040,887 հազ. դրամ): Մինևույն ժամանակ, այդ կապակցված կազմակերպությունը երաշխավոր է հանդիսանում Ընկերության վարկային պարտավորության համար՝ մեկը մյուսի նկատմամբ փոխադարձաբար ստանձնելով համապարտ պարտավորություն:


23.3. Ապահովագրություն

Ապահովագրությունը ՀՀ-ում համեմատաբար նոր է և դեռ զարգացման փուլում է գտնվում, և ապահովագրության շատ ծևեր դեռ հասանելի չեն: Ընկերությունն ամբողջովին ապահովագրված չէ իր գործունեության ընդհատման կամ էական կրճատման համար, երրորդ անձանց հանդեպ հնարավոր պարտավորությունների գծով՝ կապված հնարավոր միջադեպերի արդյունքում գույքային, բնապահպանական կամ առողջական վնասների հետ: Քանի դեռ Ընկերությունը համապատասխան ապահովագրական պաշտպանություն ձեռք չի բերել, առկա է ռիսկ, որ որոշ ակտիվների վնասումը կամ պարտավորությունների առաջացումը կարող է էական բացասական ազդեցություն ունենալ Ընկերության գործունեության և ֆինանսական վիճակի վրա:


23.4. Հարկային անորոշություններ

Հարկային համակարգը ՀՀ-ում աչքի է ընկնում օրենսդրական հաճախակի փոփոխություններով, պաշտոնական պարզաբանումներով, որոնք երբեմն անհստակ են, հակասական կամ տարընթերցումների տեղիք տվող: Հարկային մարմինները կարող են ստուգել Ընկերության հարկային հաշվարկներն ու հայտարարագրերը և իրավունք ունեն տույժ-տուգանքներ նշանակելու (տես նաև ծանոթ. 23.1):

Նշված հանգամանքները կարող են առաջացնել նշանակալի հարկային ռիսկեր: Ընկերության ղեկավարությունը վստահ է, որ իր հարկային պարտավորությունները հաշվարկել է պատշաճ կերպով՝ հիմնվելով ՀՀ հարկային օրենսդրության, հարկային հարաբերություններ կարգավորող այլ իրավական ակտերի՝ իր մեկնաբանության վրա: Այնուամենայնիվ, հարկային մարմինների մեկնաբանությունները կարող են տարբերվել սույն ֆինանսական հաշվետվությունները պատրաստելիս հիմք ընդունած մեկնաբանություններից, և, եթե հարկային մարմինները կարողանան պարտադրել իրենց մեկնաբանությունները, ապա դրանց ազդեցությունը կարող է նշանակալի լինել:


Տնօրեն
Արմինե Հովակիմյան




Գլխավոր հաշվապահ
Վահագն Քեշիշյան